

DALLA VOCE DEI NONNI
FILASTROCCHES, CONTE, DETTI, PROVERBI, NINNE NANNE

- *Ovu di un'ura, pani di un iornu
e vinu di un annu 'un bannu mai
fattu dannu.*
- *O di lignu o di nuci
ognunu avi la so cruci*
- *Cu avi figghi a latu 'un pò moriri
appanatu*
- *U Signori aiuta picciriddi e
mmiacchi*
- *Seri, seri, ca bona sorti veni*
- *Cu avi figghi fimmini
Avi lu masculu e la fimmina,
cu avi figghi masculi
unn'avi né masculi né fimmini*
- *Aiu manciatu e sugnu a cumpletu
di la ricotta ni fazzu cassateddri
lu vinu sta na li carrateddri
e semu cchiù ricchi di li
puvireddri*
- *All'omu vili e a fimmina tinta
Runaci u so' e l'assali iri.*
- *Quannu a siritina mali scura
afferrala pi la retina la mula*
- *Calati iuncu chi passa la china*
- *U pisci feti da' testa*
- *Mangia, di lu tò mangia
e di lu tò saziatinni*
- *Megghiu di nenti, maritu vecchiu
quannu no, cuaria u lettu*
- *Megghiu riri chi sacciu,
chi diri chi sapia*
- *Mettiti cu chiddu megghiu ri tia
e pacaci i spisi*
- *Nuddu si pigghia
s'un si rassumigghia*
- *Vaiu narrè com'u curdaru*
- *Ma', ciccu mi tocca
ciccu ,un tuccari sta bedda pic-
ciotta ciccu, toccami-toccamì*
- *Pistari acqua no murtaru*
- *Si chiuri 'na porta e si rapi un
purticali*
- *Fa' acchianari mura lisci*
- *Testa chi 'un parla si chiama co-
cuzza*
- *Un corpu o circu e un corpu o
timpagnu*

- U Signori runa viscotta a ccu
unn'avi renti
- Ammatula ti pettini e t'allisci
u cuntu chi t'hai fattu 'un
t'arrinesci
- Amuri è amuri, unnè broru di cici-
ri
- Tutti li mali 'un vennu pi nociri
- Ci voli lu ventu 'nchiesa, ma no
d'astutari li cannili
- Ci appizzai u sceccu cu tutti i car-
rubbi
- Ci rissi lu priuri a la batissa:
"senza dinari 'un si nni canta mis-
sa"
- Campa sceccu meu chi l'erva crisci
- Cani c'abbaia 'un muzzica
- Li vai cu l'avi si li chianci
- U mastru è mastru
e u patroni è capu-mastru
- Amici e parenti 'un ci accattari
e 'un ci vinniri nenti
- A casa capi quantu voli u patroni
- A pecura chi fa meeh perdi u muc-
cuni
- Unni c'è vista 'un ci voli prova
- Dopu a cinquantina un malannu
ogni matina
- Di matina si viri u bon jornu
- Di li parrini si pigghianu i vini
- Cu sparti n'avi a megghiu parti
- Cu nasci tunnu, 'un pò moriri qua-
dratu
- Cu bedda voli appariri assai avi a
suffriri
- Conzala comu voi,
sempri cucuzza è
- Chiovi, chiovi, pasta cu i fasoli
u succi si marita e si pigghia a
Margherita
Margherita 'un ni lu voli e si pig-
ghia a Ciccio Violi,
Ciccio Violi è maritatu e si pigghia
lu surdatu,
lu surdatu fa la verra
a la notizia sbatti u culu 'nterra
- Armiceddri e corpi netti e pi nui
priamu tutti,
tutti priamu e l'armiceddri arrin-
friscamu.
Maria Maddalena libbiratimi di sta
pena.
- San Giusippuzzu mannatici u son-
nu cu figghiu meu ' nnavi bisognu,

*nnavi bisognu finu a dumani
finu a chi sonanu li campani*

- *Sant'Antuninu mannatici u sonnu
chi u figghiu meu 'nnavi bisognu
e si iddru 'un voli durmiri
naticateddri avi aviri*

- *Piu, piu, piu
la addrina murìu
fici l'ovu e sinniù
sinniu supra li casi
pi mangirsi i cirasi*

- *Minicu Tabbarè
rapi la porta e viri cu c'è,
c'è u lupu cu la mazzola
c'assicuta a lu zu Cola,
lu zu Cola è 'ncapu la turri
ecca un sautu e si 'nmi curri.*

- *Catarinazza facciazza di pala
cu ti fici sti beddri cannola?
Mi li fici me matri spagnola
chi vinni pi strata cucuzzi e citrola.*

- *Pala, paliddra, signura, cummari
aiu na figghia chi sapi iucari
sapi iucari a trentatri
unu, dui e tri.*

- *Pala, paliddra, signura, cummari
aiu na figghia chi s'avi a maritari
s'avi a maritari u vintitri
unu, dui e tri.*

- *Ivi a Palermu pi accattari cuntuni
fici lu cuntunu cu lu me patruni*

*cci ammancava tri tarì
unu, dui e tri*

- *Catarineddra giugiringiò
quanti pampini avi u basiricò?
risposta: es. quattru
unu, dui, tri e quattoru.*

- *Tiribulli e tiriballi
quantu sunnu i cascavalli?
Sunnu tri o sunnu quattru?
No, sunnu cinqu cumpari Tanuzzu.
E si è unu comu fazzu!
ma pi dui sugnu pazzu.
Tiribulli e tiriballi
quantu sunnu i cascavalli?*

- *Darrè a porta di Santu Vitu
c'è un mortu tisu tisu
pi ccu parla e pi ccu riri
si lu pggia pi maritu
iò sugnu mastro chiovi
e pozzu ririri e parlari.*

GLI ALUNNI
DEL LABORATORIO CONTE
E FILASTROCCHIE

Andrea Agosta,
Chiara Angelo,
Walter Castiglione,
Giuseppe Catanese,
Andrea Coppola,
Giuseppe D'Amico,
Alessia Messina,
Serena Polisano,
Danilo Todaro,
Sonia Todaro